

13. oktober 2016

UKA 2016/136

**Borgmesterit borgmesteritut atuunnermik saniatigut aallaavittut allamik suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsisumik, Naalakkersuisut kingusinnerpaamik UKA 2017-imi kommunit aqunneqarnerat pillugu Inatsisartut inatsisaanut allannguutissatut siunnersuummik saqqummiussinissamik peqquneqarnissaanik Inatsisartuni aalajangiiffigisassatut siunnersuut.**  
(Inatsisartunut ilaasortaq Ane Hansen, Inuit Ataqatigiit)

Siumumiit imatut oqaaseqarfigissavarput.

Naalakkersuinikkut suliaqarneq inuit qinersinerisigut pisarpoq aamma inuit nalungereertarpaat qinersitinnatik inatsisitigut killissaqartinneqarmat, taamaatumik suliffimmik ingerlataqarsinnaanermik killilersuutaasut pisariaqarnerisut nalilersorneqartuartariaqarsorinarput immitsinnut tamatta atorfissaqartinnerput suliffinnillu ingerlataqarsinnaaneq mattussuinnarnagit. Soqutigisammi sumiluunniit aallaavigalugit suliassaqarfiit inatsisitigut sinaakutassaqarmata qaqungukkut soqutigisat aporaatiginnissaat ersarissarumallugu.

Inatsisartunut ilaasortaq Ane Hansen Siunnersuuteqarpoq kommuunit aqunneqarnerannut inatsimmi Borgmesterit atuuffigisaminni allaat suliffimmik ingerlatsisinnaanerannik pisinnaajunnaarsitsinissamik, Borgmesterit akissarsiaqarnerat kisiat tunngavilersuutigalugu inuttut qinigaaneq sioqqullugu pilersissimasanik mattussiniarpalaartumik saqqummiussaqaarneq ikkappallaartoq Siumumi isumaqarpugut.

Borgmesterit qinigaaffigisaminni toqqarneqaraangamik tamanna sioqqullugu suliffeqarsimasarput imaluunniit ingerlataqarajuttarput namminneq ingerlatseqataaffigissallugu nukissaqarfigisaminnik aamma Borgmesterit atuunnerminni aqutsinermi inatsisikkut suliassanik agguataarisinnaatitaaffeqarput Borgmesteritut sulinerminnut akornutaanngitsumik kommunillu soqutigisaannut aporaatinngitsumik illersugaagamik inatsisitigut, qularinngilara taamatut toqqagaanissaq sioqqullugu nalilersorluartarmassuk kommunip soqutigisaasa aallunnissaannut.

Aamma borgmesterip sulineranut kommunalbestyrelse akisussaaffeqarpoq, aammalu kommunimi ingerlatsineq agguataagaavoq sullissinermi immikkoortunut kommunalbestyrelse-it sulinerat illersorniarlungu.

Aamma taamaappoq qinikkatut sulinermi kommunalbestyrelse-mi ilaasortaasartut soqutigisarpasuaqartarput akuuffigisaminnik tamannalu pigajuttarpoq qinigaaneq sioqqullugu inatsisitigullu killissaqarnerup qaqugukkut akuusoqassannginneranik aalajangersakkat malillugit nakkutigineqartumik aamma inuttut nammineq akisussaafigisamik nakkutigineqarsinnaasartumik.

Taamaapportaaq sumiiffigisami qinigaanissaq sioqqullugu nalunnginneqareertarmat taamaattumik Siumumi isumaqarpugut Borgmesterit atuuffissartik sioqqullugu pilersitseqataaffigisaminnik ingerlatsisinnaajunnaarsinneqarsinnaanngitsut akissarsiaqarnertik piinnarlugu, Borgmesterit sulinerat ulluinnarni kommunalbestyrelse-ip annertuumik aamma akisussaaqataafigaa tamannalu soqutigisat aporaatinnginnissaannut isumannaarisussaammat maannakkut atuuttunik allannguinnissaq akuersaanngilarput, aalajangiiffigisassatullu siunnersuut itigartipparput.

Jens Immanuelson, Siumut